

ANEXO I. CRITERIOS DE AVALIACIÓN DA PRODUCCIÓN DE TRANSFERENCIA APLICABLES AOS MÉRITOS CORRESPONDENTES AO ANO 2022

INTRODUCCIÓN

Nos últimos anos vimos observando unha clara tendencia á valorización da transferencia de coñecemento, como vía de progreso da sociedade. Isto queda reflectido, tanto no ámbito estatal como autonómico, no eido lexislativo e nos sucesivos Plans de Investigación, Desenvolvemento e Innovación. Por exemplo, a Lei 14/2011, de 1 de xuño, da Ciencia, a Tecnoloxía e a Innovación, fai énfase na importancia da transferencia, con comentarios como "O esforzo realizado por España nas dúas últimas décadas por situar a súa ciencia a nivel internacional debe complementarse agora cunha maior énfase na investigación técnica e o desenvolvemento tecnolóxico e na transferencia dos resultados de investigación cara ao tecido produtivo", ou incluíndo novos conceptos como a "transferencia inversa do coñecemento" liderada polo sector empresarial en colaboración cos axentes de investigación. Pola súa banda, tamén a Xunta de Galicia aposta pola transferencia a través do seu Plan Galicia Innova 2020 que constitúe o marco instrumental para articular e reforzar a política de I+D+i, e acadar os obxectivos da Extratexia de Especialización Intelixente de Galicia.

A transferencia de coñecemento preséntase polo tanto como un dos eidos fundamentais da actividade na Universidade, e a súa axeitada avaliación pode ser unha ferramenta para a súa incentivación e a definición e fortalecemento das liñas estratéxicas das institucións. A nosa universidade foi unha das primeiras do estado na avaliación específica dos méritos relacionados coa transferencia de coñecemento do seu persoal investigador.

A Universidade de Vigo formula a avaliación das actividades investigadoras de cada membro mediante dous tipos de indicadores, complementarios entre eles: por una banda, a produción de investigación e por outra a produción de transferencia. Nos dous conxuntos de criterios primarase a calidade, establecéndose políticas específicas para reforzar as actividades investigadoras e de transferencia.

Os criterios de avaliación da produción de transferencia aquí presentados teñen como obxectivo valorizar, visibilizar e potenciar a actividade do persoal investigador da Universidade de Vigo neste eido. Preténdese que o proceso avaliador sexa o mais sinxelo estandarizado e transparente posible, considerando os elementos máis significativos da actividade de transferencia dende unha perspectiva de calidade e excelencia, e tendo en conta as particularidades dos diversos ámbitos de coñecemento.

Tenderase así mesmo a unha máxima transparencia no proceso de avaliación, garantindo a posibilidade de que os investigadores e investigadoras coñezan a valoración da súa produción, e poidan presentar as correspondentes reclamacións se fose necesario.

CRITERIOS XERAIS

- A) Avaliaranse os méritos correspondentes ao ano 2022.
- B) Os méritos avaliaranse sempre que no documento acreditativo figure expresamente que a autora ou autor é da Universidade de Vigo. Poderase ter en conta outra documentación acreditativa (p. ex. artigos de prensa), na que se indique expresamente e se faga visible a relación entre o mérito, os autores e/ou autoras do mesmo e a súa vinculación coa Universidade de Vigo.
- C) Avaliaranse méritos en distintos soportes (papel, electrónico, etc.) sempre que estes cumpran os criterios que se requiren para o seu recoñecemento. Cando sexa posible, o soporte empregado será electrónico.
- D) Non se considerarán aqueles méritos dos que a documentación sexa insuficiente, confusa ou recibida fora de prazo.
- E) Só se avaliarán os méritos daquelas persoas que sexan membros da Universidade de Vigo no momento da solicitude.

Poderán solicitar a avaliación da produción de transferencia: o profesorado fixo de cadro de persoal (catedráticos/as e titulares de universidade, catedráticos/as e titulares de escola universitaria, profesores/as contratados/as doutores/as, profesorado emérito e honorífico), persoal investigador posdoutoral contratado con cargo a programas competitivos (Ramón y Cajal, Beatriz Galindo, Juan de la Cierva, posdoutorais da Xunta de Galicia, Marie Curie, posdoutorais da Universidade de Vigo, persoal investigador distinguido do programa Oportunius e da Universidade de Vigo, persoal do programa JIN e do programa María Zambarno), profesorado axudante, profesorado asociado, lectores/as e estudantes de doutoramento vinculados a un grupo de investigación da Universidade de Vigo.

Non se considerarán, para os efectos de solicitude de avaliación da produción de transferencia: o profesorado de listas de agarda, o profesorado invitado ou visitante e o persoal investigador contratado con cargo a proxectos que non estea cursando estudos de doutoramento na Universidade de Vigo.

- F) Coa intención de corrixir discriminacións, aplicarase á presente convocatoria a Resolución Reitoral do 18 de xaneiro de 2021 pola que se regula a acción positiva aprobada no Consello de Goberno do 29 de abril de 2019, para incluír nas convocatorias propias de docencia, investigación e transferencia na Universidade de Vigo. Dita resolución e toda a información relacionada está dispoñible no enlace <https://www.uvigo.gal/accion-positiva>. No caso de atoparse nalgunha das situacións descritas no ámbito de aplicación desta acción, deberase presentar a solicitude da acción positiva (Anexo I da citada RR, dispoñible en https://www.uvigo.gal/sites/uvigo.gal/files/contents/paragraph-file/2021-01/anexo_I.pdf) xunto coa documentación indicada na citada RR. Tamén, de ser necesario, deberase presentar o Anexo II, dispoñible en https://www.uvigo.gal/sites/uvigo.gal/files/contents/paragraph-file/2021-01/anexo_II.pdf.

- G) Os puntos asignados a cada mérito dividiranse entre o número total de autoras/es, e asignarase a cada investigadora ou investigador da Universidade de Vigo o que lle corresponda.

Se o número de autores/as da Universidade de Vigo, é igual ou superior a un terzo do número total de autores/as, computarase o traballo como realizado na súa totalidade por autores/as da Universidade de Vigo, e dividirase a puntuación total do mérito entre estes.

- H) Os traballos asinados por varios autoras e/ou autores que pertencen a distintos departamentos deberán ser solicitados por cada un dos departamentos implicados. O mérito será avaliado unha soa vez, e os puntos totais correspondentes ao mesmo serán repartidos de xeito proporcional entre todos os autoras e/ou autores.
- I) Non se poderá presentar un mesmo mérito en dous apartados distintos. Cando un mérito de transferencia sexa presentado nun apartado que non corresponda, non será valorado. Do mesmo xeito, non se poderá presentar un mesmo mérito á produción de investigación e á produción de transferencia.
- J) A Vicerreitoría de Investigación levará a cabo unha comprobación por mostraxe da veracidade dos datos rexistrados. Para ese efecto poderá solicitar dos departamentos, no momento que considere oportuno, a xustificación correspondente a todos ou algúns dos méritos rexistrados, establecéndose un prazo para que os anteditos departamentos preparen e envíen, se procede, a referida documentación. En todo caso, unha vez avaliada a produción de transferencia, a documentación requirida será devolta integramente ao departamento.

Realizada a verificación, en caso de detectarse o rexistro de méritos non avaliados segundo os presentes criterios, ou méritos para os cales non exista a documentación xustificativa completa, a Vicerreitoría de Investigación procederá a anular os méritos correspondentes, e non se permitirá participar ao persoal investigador implicado na seguinte convocatoria da produción de transferencia.

- K) Os departamentos serán responsables de verificar a documentación acreditativa dos méritos presentados polos seus membros, e proceder á validación na aplicación informática soamente no caso que o mérito sexa evaluable segundo o indicado nos presentes criterios, e a documentación acreditativa sexa correcta. Non se avaliará ningún mérito que non fora validado polo departamento durante o prazo establecido para tal fin. A relación definitiva dos méritos solicitados deberá contar co visto e prace do Consello de Departamento.
- L) A Comisión de Investigación, delegada de Consello de Goberno, realizará a avaliación dos distintos méritos presentados, para o cal poderá solicitar o asesoramento que estime conveniente. Así mesmo, velará porque non se produzan duplicacións de méritos, e resolverá as dúbidas ou fará as aclaracións que sexan necesarias.

CRITERIOS ESPECÍFICOS

Índices de PRODUCCIÓN DE TRANSFERENCIA	
TRANSFERENCIA A TRAVÉS DA FORMACIÓN DE INVESTIGADORES	
A.1. Dirección de Teses Industriais (Non valoradas na produción de investigación)	15
TRANSFERENCIA DO COÑECEMENTO PROPIO A TRAVÉS DE ACTIVIDADES CON OUTRAS INSTITUCIÓN	
B.1. Participación en comités, comisións, etc. formados por membros de relevancia internacional no seu ámbito de actuación.	5
TRANSFERENCIA XERADORA DE VALOR ECONÓMICO	
C. Proxectos, colaboracións e convenios con empresas:	Nota C
C.1. Importe das actividades contratadas de I+D (contratos, informes/ditámenes e cursos) con empresas e institucións.	
C.1.1. No caso de ser investigador principal.	20
C.1.2. No caso de ser colaborador e haber un máximo de 4 colaboradores.	10
C.1.3. No caso de ser colaborador e haber 5 ou máis colaboradores.	5
C.2. Importe de proxectos de I+D+i colaborativa que inclúan unha empresa, como socio).	
C.2.1. No caso de ser investigador principal.	20
C.2.2. No caso de ser colaborador e haber un máximo de 4 colaboradores.	10
C.2.3. No caso de ser colaborador e haber 5 ou máis colaboradores.	5
D. Contratos de licenza:	
D.1. Ingresos dos contratos de licenza.	25
E. Propiedade Industrial:	Nota E
E.1. Nº de Patentes concedidas.	
E.1.1 Nacionais (nas bases de datos da OEPM -Oficina Española de Patentes y Marcas-).	
E.1.1.1. Sen explotar.	3
E.1.1.2. En explotación.	20
E.1.2. Internacionais (nas bases de datos da EPO -European Patent Office-)	
E.1.2.1. Sen explotar.	5
E.1.2.2. En explotación.	25
E.2. Nº de Modelos de Utilidade concedidos.	
E.2.1. Sen explotar.	1
E.2.2. En explotación.	3
F. Creación de Empresas de SPIN-OFFs	Nota F
F.1. Nº de empresas creadas.	20
F.2. Importe da facturación anual.	1

TRANSFERENCIA XERADORA DE VALOR SOCIAL	
G. Resultados da creación artística:	Nota G
G.1. Produción Artística: Obras e realizacións artísticas. Proxectos artísticos. Procesos artísticos. Innovación en medios e instrumentos artísticos. Documento-creación. Comisariado. Proxectos interdisciplinares.	45
G.2. Produción Audiovisual: Produción e creación. Organización de festivais e concursos. Medios de distribución de material audiovisual.	45
G.3. Deseño: Produtos de consumo e equipamento profesional. Ambientes. Museográfico e expositivo. Escenográfico. Gráfico. Mobiliario e materiais de decoración. Packaging. Moda e Têxtil. Videoxogos. Comisariado en deseño.	45
G.4 Premios en los ámbitos de creación artística de los apartados anteriores	
G.4.1. Internacional.	
G.4.1.1. Primeiro premio.	45
G.4.1.2. Outros premios e Accésits.	15
G.4.2. Nacional.	
G.4.2.1. Primeiro premio.	27
G.4.2.2. Outros premios e Accésits.	15
G.4.3. Outros concursos.	
G.4.3.1. Primeiro premio.	6
G.4.3.2. Outros premios e Accésits.	3
H. Creación Literaria:	Nota H
H.1. Competitiva.	
H.1.1. Concurso internacional competitivo.	
H.1.1.1. Primeiro premio.	45
H. 1.1.2. Outros premios e Accésits.	15
H.1.2. Concurso nacional competitivo.	
H.1.2.1. Primeiro premio.	27
H.1.2.2. Outros premios e Accésits.	9
H.1.3. Outros concursos.	
H.1.3.1. Primeiro premio.	6
H.1.3.2. Outros premios e Accésits.	3
H.2. Elaboración de diccionarios (diccionarios completos, entradas).	10
I. Software Libre e Open Source:	
I.1. Liberación de software posto a disposición da comunidade científica mediante repositorios públicos recoñecidos (SourceForge, GoogleCode, etc.), e avaliado por unha publicación científica asociada, no ano de avaliación.	10
J. Proxectos de Cooperación internacional	
J.1. Dirección ou participación en Proxectos de cooperación internacional cun ingreso para a Universidade de Vigo maior de 60.000 €	
J.1.1. No caso de ser investigador principal.	20
J.1.2. No caso de ser colaborador e haber un máximo de 4 colaboradores.	10
J.1.3. No caso de ser colaborador e haber 5 ou máis colaboradores.	5
J.2. Dirección ou participación en Proxectos de cooperación internacional cun ingreso para a Universidade de Vigo menor ou igual a 60.000 €	
J.2.1. No caso de ser investigador principal.	10
J.2.2. No caso de ser colaborador e haber un máximo de 4 colaboradores.	5
J.2.3. No caso de ser colaborador e haber 5 ou máis colaboradores.	2

K. Actividades de Transferencia Social, cultural e educativa	Nota K
K.1. Organización de congresos, xornadas, seminarios ou cursos de formación destinados a persoas externas á Universidade de Vigo (mínimo 5 horas)	
K.1.1.-No caso de formar parte do Comité Organizador ou equivalente.	5
K.1.2.-No caso de formar parte do Comité Científico ou equivalente.	2
K.2. Actividades non lucrativas de carácter representativo ou de asesoramento para persoas físicas ou xurídicas e institucións distintas á Universidade de Vigo (elaboración de informes xurídico técnicos, pertenza a consellos de organismos públicos, presidencias de convenios colectivos, arbitraje en eleccións sindicais, etc.).	
K.2.1. No caso de que exista nomeamento como representante da Uvigo.	5
K.2.2. No caso de que non exista nomeamento como representante da Uvigo.	3
K.3. Elaboración de Publicacións de divulgación Científica Educativa.	
K.3.1. Libro.	8
K.3.2. Capítulo de libro.	3
K.3.3. Artigo de divulgación.	2
K.4. Participación en comités de estandarización, coautoría o coedición de normas, estándares ou especificacións técnicas.	5
K.5. Recensiones realizadas (non inclúe as de artigos).	5
K.6. Tradución de libros técnicos ou literarios.	5

Nota C) A suma total do ingreso en cada apartado dividirase entre 25.000 euros, e o número resultante multiplicarase polos puntos asignados (*20 puntos se é o investigador principal, 10 puntos se é colaborador e hai un máximo de 4 colaboradores e 5 puntos se é colaborador e hai 5 ou máis colaboradores*). O investigador ou investigadora principal/responsable con dereito a valoración será quen figure como tal na memoria do proxecto/contrato asinado. As cantidades sempre se refiren ao ingresado pola Universidade de Vigo. Para acadar puntuación en cada un destes apartados, a suma total do ingreso en cada un deles deberá superar un mínimo de 10.000 euros no ámbito científico-tecnolóxico e 3.000 euros no resto dos ámbitos. Se computará a cantidade total do proxecto/contrato no ano da resolución definitiva/sinatura.

Se consideran Proxectos de I+D+i colaborativa aqueles en las que participe unha empresa como socia.

No caso de convenios específicos con institucións ou cátedras, valorarase únicamente o importe das actividades contratadas de I+D nese marco. Neste caso, o responsable do convenio ou cátedra deberá aportar o certificado correspondente, indicando os importes e os investigadores participantes.

Nota E) Considerarase como data de referencia a data de aprobación pola OEPM (Oficina Española de Patentes y Marcas). Non se considerarán mentres estean en trámite. As patentes extendidas e validadas en varios territorios diferentes contabilizaranse unha única vez.

Nota F) So se valorarán aquelas spin-offs da Universidade de Vigo que contén co preceptivo Acordo de Transferencia. A participación dos investigadores nas spin-offs comprobarase mediante o Sabi. De non aparecer correctamente no Sabi, requirirase certificado notarial da participación.

A valoración do importe facturado polas spin-offs calcularase dividindo a facturación total anual da empresa, correspondente ás actividades que figuren no acordó de transferencia, entre 25.000 euros. O resultado desta división multiplicarase polos puntos asignados na táboa.

Nota G) Os méritos relacionados coa creación artística valorarase ata a puntuación máxima indicada na táboa en función dos seguintes indicios de calidade:

- a) Ámbito (local, provincial, rexional, estatal ou internacional)
- b) Documento xerado.
- c) Premio e adquisicións.

d) Canal de difusión.

e) Concursos, adxudicación e patrocinio.

Haberá que presentar evidencia da obra.

Nota H) A achega valorarase ata a puntuación máxima indicada na táboa en caso de ser o autor da obra, no caso das colaboracións na autoría valorarase coa metade de puntos.

No caso dos premios, a lingua de publicación non será considerada como factor determinante do ámbito no que se encadren.

Na avaliación de autoría de dicionarios, valorarase cun punto cada cinco entradas, ata o máximo especificado, que se corresponderá igualmente coa autoría dun dicionario completo. No caso de publicación dunha nova versión dun dicionario, valorarase como máximo coa metade da puntuación.

Nota K) A nota máxima total que se pode obter neste apartado completo será de 20 puntos.

Para valorar os méritos do apartado *K.1- Organización de congresos, xornadas, seminarios, conferencias ou cursos de formación destinados a persoas externas á Universidade de Vigo* debe constar que o investigador levou a cabo tarefas de coordinación ou organización, **nunca se valora como mérito de Producción de Transferencia a participación como poñente, docente, coordinador de mesas de debate e similares. Neste apartado non se valorarán workshops nin conferencias.**

No apartado *K.2- Actividades non lucrativas de carácter representativo ou de asesoramento para persoas físicas ou xurídicas e institucións distintas á Universidade de Vigo* unicamente se valoran informes non remunerados, o investigador debe acreditar que esta actividade de representación non ten carácter lucrativo. **Non se valorarán aquelas accións que poden estar incluídas dentro das obrigas que leva o cargo de representación que ostenta o solicitante.**

No apartado *K.3-Elaboración de publicacións de divulgación científica educativa* haberá que ter en conta que os libros de texto non se consideran como divulgación, se non como docencia, polo que non se valoran. Ademais, os artigos en prensa non se valorarán se non figura mención á Universidade de Vigo, e as entrevistas en calquera medio de comunicación (prensa, radio, televisión, etc.) non serán valoradas en ningún caso.

No apartado *K.4- Participación en comités de estandarización, coautoría o coedición de normas, estándares ou especificacións técnicas* valorarase con un punto cando soamente demostre a pertenza a ese comité, para acadar a puntuación máxima haberá que especificar claramente que actividade leva a cabo o investigador en dito comité.

No apartado *K.5- Recensións* valóranse soamente as recensións realizadas, non as recibidas. Asemade as recensións de artigos non se valoran na produción de transferencia.